

## Президент Самарқанд халқаро аэропортидаги қурилиш ишларини кўздан кечирди



Ўзбекистон Президенти Шавкат Мирзиёев 15 апрель куни Самарқанд шаҳрига келди.

Улкан бунёдкорлик ишлари билан танишув Самарқанд халқаро аэропортидан бошланди. Давлатимиз раҳбари 2019 йили вилоятга ташрифи чоғида ушбу “ҳаво бандаргоҳи”ни модернизация қилиш бўйича кўрсатмалар берган эди.

Лойиҳа доирасида янги терминал, учиш-қўниш йўлаги, тураргоҳ ва бошқа объектлар барпо этилиши белгиланган. Бугунги кунда узунлиги 3105 ва эни 60 метр бўлган учиш-қўниш йўлаги қурилиши тугалланиб, ёритиш-сигнал чироқлари ва аэронавигация ускуналари ўрнатилмоқда.

Президент дастлаб халқаро авиация стандартлари асосида қурилган учиш-қўниш йўлагини кўздан кечирди.

Янги терминал замонавий дизайнга, бир соатда 800 нафар йўловчига хизмат кўрсатиш қувватига эга бўлади. Илгари бу кўрсаткич 400 нафар эди.

– Одамларга қулайлик яратиш асосий мақсад бўлиши керак. Бунинг учун “ақлли технологиялар”ни қўллаш, хизматларни арзон, сифатли, тезкор қилиш зарур, – деди Шавкат Мирзиёев.

Турли катталиқдаги самолётлар учун 24 та тураргоҳ барпо этилмоқда. Шундан учтаси “ҳаво кемалари”га музлашга қарши ишлов бериш учун мўлжалланган бўлади.

Аэропортда карго хизмати ҳам йўлга қўйилади. Давлатимиз раҳбари бу масалага алоҳида тўхталиб, юк ташиш рақобатбордошлигини ошириш бўйича кўрсатмалар берди.

– Карго барқарор ва манфаатли бўлиши учун доимий юк керак. Бунинг учун самолётларга хизмат кўрсатиш, юкларни ортиш ва етказиб беришни арзон ва тез йўлга қўйиб, бошқа

авиакомпанияларни жалб этиш зарур. Бундан ташқари, вилоятда экспортбop мeвa-сaбзaвoтлaрни кўпaйтириб, уларни шу кaргo oрқaли жaҳoн бoзopигa чиқaриш мумкин, – дeди Президент.

Янги aэpoпoртни жoрий йил сeнтябрдa фoйдaлaнишгa тoпшириш рeжaлaштирилгaн. Шундaн сўнг, у “oчиқ oсмoн” рeжимидa тўлиқ ишлaй бoшлaйди. 1000 киши иш билaн тaъминлaнaди.

Сaмaрқaнд хaлқaрo aэpoпoрти 1967 йилдa қурилгaн.









**Манба**